1621, 16

## LA

## DEFFAICTE 4531

DE SIX CENS ROchelois par l'Armée du Roy, commandee de Monsseur le Duc d'Espernon.

Auec la prise du Maire designé, & de Cinquante quatre chefs des plus notables de la Rochelle.





## A PARIS,

Chez Pierre Rocolet, en sa boutique au Pallais, en la Gallerie des Prisonniers. 1621.

Auec permission.

ACC 3-101(267) \* - St. A TOTAL STATE OF THE STATE OF T 13.3 The state of the s 



LA DEFFAICTE DE
fix cens Rochelois par l'armee du
Roy, commandee par Monsieur le
Duc d'Espernon.

Es Rochelois ayans eu aduis que Monsieur le Duc d'Espernon vouloit aller visiter Correilles, lieu fort peu distant de la Rochelle, du costé de la mer, où il ny a qu'vne maison fortifiee d'vn fossé profond tout à l'entour, & quelques vignes, se resoluret de luy en empescher

l'entrée, firent sortir seize cens hommes de la ville auec quelque cauallerie, lesquels ils disposerent en deux bataillons dans lesdites vignes, soutenus deleurdite Cauallerie, & asseurez qu'ils estoient du lieu entouré de fossez assez malaisez à franchir pour ses aduenues estroictes & difficiles d'abord: Neantmoins, comme Monsieur d'Epernon se veid irresolu, ou de les attaquer, ou de les laisser; Monsieur d'Oriac premier Maistre de Camp de l'armée, dit audit Seigneur Duc qu'il ne falloit pas se retirer sans les combattre.

Cet aduis sut trouué bon, & Monsieur d'Epernon ayant

faict donner ordre d'attaquer lesdicts deux bataillons ennemis, voyla aussi tost Monsieur sde Coulanges, Lieutenant de la compagnie de Monsieur de la Curée, qui donna le premier tout au trauers d'eux, soutenu qu'il estoit du Mareschal des Logis, de la compagnie de la Royne regnante.

Monsieur du Fresnoy, commanade ala compagnie de la Royne Mere du Roy en qualité de Lieutenant & capitaine en chef d'icelle compagnie, ayant auec luy la compagnie de Monsieur le Duc d'Elbœuf, & celle de Monsieur le Comre de Mo-

ret, allerent pour les soustenir,& passerent à trauers d'vn fossé de douze pieds de hauteur, par vn chemin si estroit qu'il n'y auoit passage que pour yn homme de cheual à la fois, dans lequel tomba le Mareschal des Logis de la compagnie dudit sieur Conte de Morer auec son cheual, ce qui tint quelque temps le chemin embarassé, & donna de l'incommodité à ceux qui suyuoient, & qui se poussoient par l'espaule par grand courage à qui sortiroit de la le premier pour se trouuer à la charge, voyant ja leur chef passé, ledict sieur du Fresnoy au milieu des vignes bien

fort engagé au combat auec les ennemys, entouré de toure la mousquererie de leurs deux bataillons qui faisoient feu de tous costez, & deleur cauallerie, toutes lesquelles trouppes ennemyes furent mises en desordre & desfaictes sur le champ, demeurans sur la place plus de trois cens des leurs, soixante & quinze prisonniers & pris, entre lesquelsa esté trouvé vn nommé Gouyn qui doit estre Maireimmediatementapres celuy qui l'est de present à la Rochelle, & vn autre nomé Coudeuache, fils du Procureur du Roy de ladite ville, & plus de quatre vingts de blef-

sez, qui ayant esté portez dans la Rochelle en sont morts, pour la pluspart du depuis. Monsieur de Dauuail commandant la compagnie de la Royne regnante, auec Monsieur le Baron d'Anton, frere de Mosseur le Marquis de Rouillac, conduisant la compagnie de Mösieur d'Epernon, vouloient aller à la charge, & tirer leur part de ce choc: mais Monsieur d'Epernon, se contentant de cette victoire, où il n'auoit perdu que cinq des siens, voyant que le regiment de Saincte lame auoit failly par la faute du Sergent major, qui auoit allegué que les Sol

Soldarsn'auoient ny plomb ny poudre, commanda à Monsieur de Biron Maistre de camp de faire retirer lesdites deux compagnies de gendarmes, qui penserent mou-rir de desplaisir, pour auoir veu la feste sans y auoir dan-cé: Car c'est la verité que si lesdites deux compagnies & ledit regiment de saincte lame eussent donné, de seize cens qu'estoient les ennemis il n'enfut paseschappe vn, & se virent neantmoins poursuiuis iusques aux portes de la ville qui furent bien prom-ptement fermées, tant la crainte & l'espouuante fut grande au dedans. Ce qu'estant executé, les Rochelois commencerent à faire tonner leurs canons de tous leurs bastions, auec tat de furie & si dru qu'il sembloit qu'ils sussent employez à la batterie de quelque ville, comme aussi des vaisseaux qui estoient en leur Haure, sur tirees force canonnades, qui Dieu mercy n'endommagerent les nostres.

Ce jour la, il estoit pour le moins trois heures de releuée que Monsieur d'Eperno n'auoit pas desieuné, & commeil s'arrestoit à manger vn morceau, & à parler audict prisonnier nommé Coudeuache, sut dit audit sieur Duc

d'Epernon par Monsieur du Fresnoy. Monsieur ostez yous d'icy, car deuant qu'il soit peu d'heure si ne vous retirez, les ennemis feront fortir deux pieces de Canon, pour vous venir forcer de faire la retraicte, co yous donner de la peine s'ils peuuent. Ce que ledit seigneur Duc nevoulut croire, disant, s'ils les font sortir, ieles prendray, à quoy fut reparty par ledit sieur du Fresnoy, Monsieur vous les prendrez donc, car vous les verrez tout à cette heure. Et comme ledict sieur Duc voulutaller voir la pointe de Correilles, il fit marcher deuant luy toutes ses troupes droit à icelle poin te, fit donner poudre, meche & plomb à ses soldars, & co-

Bij

manda au Baron d'Anton son nepueu de faire passer sa compagnie de gédarmes a la teste de tous, & a Monsieur du Fresnoy de le soustenirauec celle de la Royne mere du Roy, ce qui fur faict, ou aux approches forces canonades ne leur furent espargnées, & n'eurent pas lesdictes trouppes cheminé cinquante pas, que les dites deux pieces de canon, dont auoit parléledit sieur du Fresnoy, commencent a tirer de telle forte sur Monsieur d'Eperno que peu s'en faillit qu'il ne fut tué, & malgré toute chose furent les deux pieces de canon amenées a la maison

forte dudit Correilles, ou la dessaicte venoit d'estre saicte & la nuict suruenat la dessus, Monsieur d'Epernon se retira en son quartier, Monsieur d'Oriac au sien à Croix chalpeau, & ledit sieur du/Frese noy auecluy.

Cette dessaicte a esté la se

conde de celles que Mosseur d'Epernon a faictes sur les Rochelois en ce dernier mois de Septembre, monstrant par la l'affection qu'il a au ser-uice du Roy, & au bien de

son Estat.

FIN

## PERMISSION:

ILest permis à Pierre Rocolet, Marchand Libraire, Imprimer & exposer en vente La deffaite des six cens Rochelois par l'Armée du Roy, commandée de Monsieur le Duc d'Espernon. Et desfences à tous autres Imprimeurs, Libraires, Colpolteurs & autres, l'imprimer ny contresaire, à peine de confiscation, d'amande, & despens. Donné à Paris, le dixiziesme Octobre, 1621.



